

欽定鳥譜

欽定鳥譜目錄

第一冊

鳳

鸞

孔雀

開屏孔雀

鶴

灰鶴

小灰鶴

藍

北喜鵲

南喜鵲

山喜鵲

白喜鵲

山鷓鴣

黑山鷓鴣

靛花

石青

鸚鵡

沉香色八哥

秋香色八哥

白八哥

花八哥

燕八哥

山八哥

海八哥

番八哥

白哥

瑞紅鳥

灰色洋鴿

鷓鴣

毛脚鴿

第二冊

西綠鸚哥

南綠鸚哥

黑背綠鸚哥

洋綠鸚鵡

洋綠鸚哥

紅頰綠鸚哥

柳綠鸚哥

牙色裏毛大白鸚鵡

葵黃裏毛大白鸚鵡

葵黃頂花小白鸚鵡

牙色頂花小白鸚鵡

鳳凰鸚鵡

金頭鸚鵡

青頭紅鸚哥

綠翅紅鸚哥

翠尾紅鸚哥

蓮青鸚鵡

黃鸚哥

灰色洋鸚哥

黃丁香鳥

綠丁香鳥

了哥

山鸚哥

紅翫倒掛

黑翫倒掛

珊瑚鳥

黃山鳥

綠山烏

松鴉

白松鴉

第三冊

金翅

柿黃

黃道眉

淡黃道眉

五道眉

白道眉

畫眉

石畫眉

山畫眉

燕雀

白花雀

山花雀

金雀

侶鳳逑

南相思鳥

粉眼

金眼

喙叭翫

槐串

金鈴

白頭金鈴

十二黃

十二紅

珠頂紅

花紅燕

花黃燕

山火燕

南百舌

北百舌

雌北百舌

第四冊

藍靛顏

黑靛顏

紅靛顏

白靛顏

靠山紅

金絲麻鷓

黃鷓

鶯雛

蛇頭鳥

白頭翁

白頭郎

雙喜

吉祥鳥

五更鳴

西寧白

偷倉

長春花鳥

嘉雀

白嘉雀

金部
金
一
花嘉雀

黄雀

山雀

鵲

北牛鵲

南牛鵲

白翎

阿蘭

米色阿蘭

鳳頭阿蘭

鳳頭花阿蘭

第五冊

錦雞

白鷗

吐綬雞

紅色吐綬雞

田洞雞

朱頂大啄木

山啄木

綠山啄木

紅頭花啄木

花啄木

黑頭啄木

白頭啄木

花翅山啄木

戴勝

黑鳩

刺毛鷹

火紋斑

綠斑

南綠斑

紫斑

推吞

佛鳥

王岡哥

貼樹皮

弩克呀克

雌弩克呀克

石燕

越燕

紫燕

蛇燕

第六冊

丹雄雞

黑雌雞

烏骨雞

翻毛雞

絲毛雞

雌絲毛雞

萊雞

越雞

泰和雞

廣東雞

雌廣東雞

洋雞

雌洋雞

野雞

雉雞

半翅

雌半翅

麻雀

穿草雞

樹雞二種

鷓鴣雞

雌鷓鴣雞

何爾其

金錢雞

石雞

竹雞

火雞

松雞

山花雞

第七冊

黑翫天鵞

金頭天鵞

紅翫天鵞

花鵞

白鵞

鳳頭鵞

黃杓雁

小黃杓雁

茶雁

賓鴻

斂雁

秦雁

小黑頭雁

白雁

綠頭鴨

雌鴨

黑鴨

黑翦白鴨

黃翦白鴨

黑翦花鴨

鳳頭烏骨鴨

洋鴨

雌洋鴨

冠鴨

小冠鴨

野鴨

雌野鴨

麻鴨

羅紋鴨

鳳頭羅紋鴨

第八冊

尖尾羅紋鴨

砂背羅紋鴨

糠頭羅紋鴨

馬鴨

魚鴨

鳳頭魚鴨

鳳頭黑脚鴨

雌鳳頭黑脚鴨

黑脚鴨

蒲鴨

鴛鴦

鸕鶿

黃鴨

土鴛鴦

泥跂踏

雌泥跂踏

落河

皮葫蘆

雌皮葫蘆

油葫蘆

水葫蘆

翠雲鳥

白鶴

黑鶴

鷓鴣

鵝

麥黃鵝

花鵝

江鷗

海鷗

第九冊

建華鴨

白鷺

青鷺

青莊

黃莊

紅莊

白莊

小白莊

黑莊

鵝

羊鵝

青鵝淘河

黃鵝淘河

水花冠

五斑蟲

水駱駝

水鷺鳥

戳罕

賴圖庫

三和尚

油罐子

沙溜兒

骨頂

水雞

水鶴

澤雞

阿際格泥約戳科

地烏

魚鷹

鷓鴣

第十冊

翠鳥

南翠

北翠

暹羅翠

水啞子

蘆葦鳥

水喜鵲

鵲鵲

白蘿蔔花

黃蘿蔔花

青蘿蔔花

慈烏

烏鴉

青鴉

白鴉

禿拉氣

寒鴉

紅翫鴉

紫練

白練

鷲雞

錦背不刺

鷹不刺

火不刺

寒露

錦背

綠鳥

瓏瓏雀

呀克薩拉罕

牛牙噶薩拉罕

第十一冊

老皂鵬

皂鵠

狗頭鵠

白鵠

虎斑鵠

接白鵠二種

芝麻鵠

團鵑

花白鵑

倒插鵑

喀爾沁

白海青

蘆花海青

籠黃鷹

新黃鷹

籠栢雄

籠松兒

風鷹

青鷓

雌青鵠

鷄子

籠鷄子

花豹

黃花豹

蝦蟆鷹

鷓鴣

花頭鷓鴣

黃鷓鴣

鷓鴣

第十二冊

白超

金剛山記
三
黑超

鴉鳥

狼鵲

雲頭花豹

茅鴟

樹貓兒

夜猫兒

木兔

鷓鴣

子規

松花

蜀黍雀

麻葉雀

搖臀雀

梧桐

皂兒

灰兒

仔仔黑

黃交胤

紅交胤

花交胤

虎頭雀

竹葉鳥

花斑鳥

告天子

鐵脚

國公鳥

信鳥

提壺

欽定鳥譜第一冊

鳳

一名瑞鷗一名鷩雞
一名長離亦作長麗

爾雅云鷩鳳其雌皇注云瑞應鳥五彩色高
六尺許韓詩外傳云鳳象鴻前麟後蛇頸魚
尾龍文龜背燕頤雞喙小音金大音鼓延頸
奮翼五色脩舉山海經云丹穴之山有鳥焉

五采而文名曰鳳皇飲食自然自歌自舞見
則天下安寧禽經云五鳳赤曰丹穴青曰羽
翔白曰化翼黑曰陰翥黃曰土符人鏡經五
鳳以方分東方發明西方鸛鶴南方焦明北
方幽昌中央玉雀物類志鳳一名瑞鷗別名
鷩雞其老者為長離大戴禮云羽蟲三百六

十而鳳皇為之長

鸞

一名雞趣
一名青鳳

山海經云女林之山有鳥焉其狀如翟而五
采名曰鸞鳥見即天下安寧禽經云鸞瑞鳥
一名雞趣始生類鳳久則五彩變易故字從
變省抱朴子云鸞鳥似鳳而白纓聞樂則蹈
節而舞說文云青鳳為鸞

孔雀

一名孔鳥一名越鳥一名文禽一名孔都護一名摩由羅

異物志云孔雀形體既大細頸隆背自背及尾皆作圓文五色相繞如帶千錢尾長二三尺頭戴三毛以為冠足有距埤雅云孔雀尾有金翠五年而後成尤自珍愛遇芳時好景聞絃歌必舒張翅尾盱眙而舞性妬忌自矜

其尾雖馴養已久遇婦人童子服錦綵者必
逐而啄之虞衡志云孔雀雄者尾長數尺金
碧晃耀時自奮張其尾團如錦輪謂之開屏
其尾端一寸名曰珠光山海經南方有孔鳥
郭璞曰孔雀也物類志云李昉名孔雀曰南
客一名孔都護一名文禽本草綱目孔雀一

名越鳥李時珍曰孔大也梵書謂之摩由羅

開屏孔雀

孔雀開屏時曲項垂膺跣足翹尾動搖有聲
漸轉漸大以至圓如團扇是為屏足以尾之
長短為高下火眼排列如銜壁連錢又如雲
霞眩目變化無定色明貝翹賦云翠髻高聳
彩翼旁障金碧熠燿綺縠煒煌乍若槩眊之

齊舉復似重麾之再揚參差于扇列二十有四的皪于釵駢十二其行斯能道其形容矣埤雅云畫史雖妙善花鳥猶憚為孔雀蓋其金翠生動染色有不能似者也

鶴

一名露禽一名仙子一名胎仙一名胎禽一名蓬萊羽士

鶴黑睛赤暈青黑長鬣丹頂朱頰白項黑額
黑頸通身毛羽純白翅有軟黑翎展翅廣四
五尺斂翅則翎垂蓋尾長項長脰昂首高四
尺餘青黑足脰青黑趾爪

春秋繁露云鶴知夜半鶴水鳥也夜半水位

感其生氣則喜而鳴性好在陰故謂其羽為陰羽禽經露翥則露注云露禽鶴也露下則鶴鳴雄鳴上風雌承下風以聲交而孕埤雅云鶴性警至八月白露降流于草上點滴滴有聲因即高鳴相警移徙所宿處慮有變害也蓋鶴體潔白舉則高至鳴則遠聞性又善

警行必依洲渚止不集林木故詩易以為君子
子言行之象雌雄相隨如道士禹步履跡而
孕相鶴經云鶴者陽鳥也而遊于陰因金氣
乘火精以自養金數九火數七故七年小變
十六年大變體尚潔故其色白聲聞天故頭
赤食于水故其喙長軒于前故後指短栖于

陸故足高而尾凋翔于雲故毛豐而肉踈大
喉以吐故修頸以納新故壽不可量凡鶴之
上相陰鼻短口則少眠高脚踈節則多力露
眼赤睛則視遠回翎亞膺則體輕鳳翼雀毛
則善飛龜背鼈腹則能產輕前重後則善舞
洪髀纖趾則能行本草集解云鶴大于鵠長

三尺高三尺餘喙長四寸丹頂赤目赤頰青
脚修頸凋尾粗膝纖指白羽黑翎亦有灰色
蒼色者能啖蛇虺聞降真香煙則降其糞能
化石物類相感也俞琰云龜鶴能運任脉故
多壽無死氣于中也鶴骨為笛甚清越彙雅
云鶴歲生數卵四月雌鶴伏卵雄鶴往來為

衛見雌起則啄之見人窺卵則破而棄之談
蒼云鶴初生眼傍別有紅點者是雄五雜俎
云詩傳謂鶴身白頸黑尾然鶴之黑者非尾
也乃兩翅之下翅斂則附于後似尾耳物類
志云鶴一名露禽一名仙子一名胎仙一名
蓬萊羽士其左右脚裏第一指名兵爪

灰鶴

灰鶴黑睛赤暈青黑翬黑紅頂白頰白項臆
至背腹皆黑灰色翅下黑翎蓋尾高足胫黑
足爪身小于白鶴陰背平腹昂首高三尺許
喙長三寸餘初生頂黑久則漸紅善夜鳴

小灰鶴

一名水鶴
一名丹歌

小灰鶴黑睛紅暈黑綠翫淺紅喙灰頂左右
眼角各有灰白羽一根垂出腦後黑頰黑項
喙前間露灰毛當胸黑毛下垂如纓深灰腹
背膊兩翅俱慘灰色翅有長翎直出蓋于尾
上翎末帶黑深黑翮黑足脰其足有懸爪無

後趾前三趾根有連皮身高尺五六寸喙長
二寸許善鳴舞鶴之一種也

粵志云南方有一種水鶴亦名灰鶴狀類白
鷺頸有垂纓善舞其性通風雨有風雨則鳴
而上山否則鳴而下于川澤廣人以其丹翫
善鳴故曰丹歌

藍

一名
赤頰

藍黑睛黃暈綠翦翦根有黑短毛紅頂紅頰
頂與頰紅色相連白項灰頷頷至胸臆俱青
灰色頷旁左右各有灰毛一片上透兩頰青
灰背腹白灰翅翅有長翎垂于翮上黑翮蓋
尾粉紅足高胫米白爪身高二尺餘昂首高

三尺餘喙長三寸許小于白鶴而大于灰鶴
閩粵多有之

陸璣詩疏云鶴或有蒼色者今人謂之赤頰
容越志云藍狀與鶴同灰身赤頰長翅黑翮
頸無黑毛羣翔碧藻間亦畜于園庭性妬見
彩服則鳴舞或逐而啄之

喜鵲

一名乾鵲一名音干一名靈鵲一名烏鵲一名烏泥一名飛馭鳥

喜鵲狀如鴉而差小尾長黑尖嘴足爪亦黑
頸臆與背黑色內有暗白花文腹脇皆白
上間短白毛翅尾俱青黑色翅旁黑白相間
淮南子注人將有喜徵則鵲鳴所謂靈鵲
兆喜也故呼喜鵲亦名靈鵲其別名曰音干

歲多風則鵲巢卑毛詩名物解云鵲構巢取
在木杪枝不取墮地者皆傳枝受卵故一曰
乾鵲博物志謂鵲背太歲先儒以為鵲巢居
而知風蓋鵲歲多風則去喬木巢旁枝故能
高而不危也禽經云鵲鳴喈喈俯鳴則陰仰
鳴則晴以音感而孕急就篇注云鵲者因鳴

聲以為名也字說曰鵲黑白錯莊子注烏鵲
交尾而化田家雜占云鵲巢低主水高主旱
許彥周詩話云藏經呼喜鵲為芻尼本草釋
名鵲色駁雜故謂之飛駁古今注云飛駁言
如馬駁色也

案喜鵲有二種一種大觜粗身濶尾背上白毛少

者俗呼為北喜鵲一種尖嘴身輕尾長而狹
背上白毛多者俗呼為南喜鵲俗又以身大
者為烏鵲身小者為喜鵲

山喜鵲

山喜鵲形似鵲而長尾黑觜脚黑頂頂有白點項下淺白臆腹灰色背膊皆細毳淺碧色翅深藍色翅翎白黑相間尾毛不甚多其兩長毛下垂亦如練鵲俱藍色白尖

物類志云山喜鵲似鵲而小青頭紅灰色背

膊黑紫足長尾羣飛羣集亦能為巢山林間
多有之城市絕少與烏鵲之喜稠鬧異性矣

白喜鵲

白喜鵲大如喜鵲而尾差短黑紫黑睛足細而黑蒼首頂上眼下白毛相間項背膊翅尾皆瓦灰色間以淺白

古今注云白鵲一名神女以赤帝女成仙化為白鵲故名

山鷓

一名鷓
一名山鵲

山鷓紅嘴黑頭黑頸項俱有白點肩背紅藕色臆腹比背色差淡翅毛黑翠近背短翅有白尖尾長而潤翠碧色毛末上黑下白中兩翎甚長翠毛之末接以藕紅灰白紅足黑爪即爾雅所云山鵲也其黑嘴足者為黑山

鷓此鳥性最馴擾人畜之教以禱戲取果銜
旗之往來悉如人意俗呼為拖尾練按拖尾
練是練雀其身甚小有紫白二色別是一種
與此不同俗名訛也

爾雅鷺山鵲注云似鵲而有文彩長尾紫脚
赤本草綱目云山鵲俗名山鷓以其頂上有

白點如鷓鴣斑也狀如鵲而有文彩赤紫赤
足尾長不能遠飛諺云朝鷺叫晴暮鷺叫雨
說文以此為知來事之鳥故字從覺頭

黑山鷓

黑山鷓黑睛黑嘴頭頸至背俱蒼灰色肩膊
蒼褐有藍毛深藍翅緗白邊近尾背毛縹青
色黑斑藍尾白尖其中二翎亦長臆前黑毛
一片腹下白質黃紋黑足爪

靛花

靛花似鵲黑頭青翅尾黑其喙微勾黑足以其色似藍靛故名靛花能學百鳥聲

石青

石青赤黑睛黑嘴勾喙通身青色翠有光彩
翻毛深黑膊上間有細白毛三四點黑足爪
案石青與靛花同類鳴聲亦相似靛花青黑色石
青則青翠色各以其色名耳

鸚鵡

亦作鵙鵡一名鵙鵡一名黥鳥一名喙喙鳥
一名八哥一名寒皋一名慧鳥一名鸚鵡

鸚鵡黑睛黃暈粉綠翮有幘通身俱黑翅有
白毛一片尾有白點黃足黑爪物類志云鸚
鵡嫩則口黃老則口色漸退頭上有幘亦有
無幘者

本草綱目云此鳥好浴水其睛瞿瞿然故名

王氏說以為其行欲也尾而足勾故鵠鵠字
從勾從欲省咧咧者其聲也天寒欲雪則羣
飛如告故曰寒臯臯者告也通體純黑故名
黥鳥山堂肆考云鵠鵠性通人意能學人語
故名慧鳥隨處皆有秦隴冢多故李昉謂之
隴客閩書云畢萬術曰寒臯斷舌可使言語

蓋鸚鵡舌有雙尖必剪去之使如人舌乃可
教以人言今人每于端午日以竹刀剔其舌
塗以鹽椒令不復生尖其聰慧者能學種種
聲音比鸚鵡了哥更清楚南唐李煜謂之八
哥歲華紀麗云午日取鸚鵡兒毛羽新成者
養之皆善語必先剪去舌尖

案鸚鵡本名唼唼鳥玉篇云唼鳥也廣韻唼布拔
切讀八是八即唼其云哥者哥即古譌字凡
能言之鳥皆可名哥如鸚哥了哥是也

香色八哥

一名蒼鵠

香色八哥二種一種黑睛黃暈粉綠翮有幘
雙開如花通身毛純作沉香色尾有白尖粉
綠足米色爪一種黑睛赤黃暈粉綠翮有幘
通體紅黑色翅有白毛白尾尖牙色足米色
長爪出閩中土人亦名蒼鵠

白八哥

白八哥黑睛黃暈赤眶粉綠翮通身如雪米
黃足米色長爪

宋書符瑞志云太始三年白鷓鴣見京兆庶
物志曰白鷓鴣出嶺南故錦繡萬花谷曰鷓
鴣踰嶺而白按南北所產鷓鴣大都通身純

黑然亦間有白者非定出嶺南也

花八哥

一名多花子

花八哥黑睛黃頰黃翮無幘自頂至背腹純白翅上黑毛或多或少不一其狀黑尾白尖黃足身較黑白鸚鵡差小云自海外來故名番鸚鵡亦名多花子

燕八哥

一名山
鵲鵲

燕八哥黑身短尾黃翦兩頰有白花毛項帶
蒼白點臆淺黑色腹灰色黑背翅背上近尾
處有白毛一節翮有白莖尖黑尾白邊黃足
以其身有似燕翦足黃色似鵲鵲故有燕八
哥之稱亦名山鵲鵲

山八哥

山八哥黑睛黃暈灰臉黑鬣頂前及頷下有
黑茸毛頭頂臆腹俱灰色背毛醬紅色近尾
灰白色黑肩膊黑翅淺黑翮根露白毛黑尾
尾根裏毛深赭色黑足爪

海八哥

海八哥黑睛黑暈目後有白毛尖出黑翦頂
前近翦處白毛連頷頭項至背俱淺蒼色近
尾左右間以白色蒼黑翅毛根露白淺蒼短
尾白臆白腹黑足爪無後趾出福建連江縣
山溪邊海之地

番八哥

番八哥黑睛赤黑暈黃白巨觜喙尖帶縹青
黑頭項帶細白紋背至翅尾俱作茶綠色緣
膊翅毛深綠色蒼翻粉綠腹近尾毛殷紅黃
足青黑爪出福建連江縣

白哥

白哥黑睛青暈黑翦頭項俱白帶淺黃紋淺
黑背肩上有細白紋膊下淺黃暈白毛一節
黑翅尾白尖臆前青白腹下微白帶淡蒼赭
暈蒼足黑爪出福建羅源縣溪澤邊食魚蝦

瑞紅鳥

瑞紅鳥黑睛紅眶水紅翦潤而堅厚黑頂黑
頷白頰甚大青灰背臆藕紅腹灰翅黑邊黑
尾白裏水紅足白爪閩中鳥也此鳥雌雄相
並宛若伉儷性不再匹故籠畜必雙若去其
一則其一亦不能久存即以他籠瑞紅配之

終不相合也

灰色洋鴿

灰色洋鴿黑睛灰紅重暈青翫頭頸至腹皆
淺灰色項有黑毛一節背膊蒼灰色翅尾稍
深粉紅足爪

鷓鴣

鷓鴣黑睛藕紅暈淺黃臉粉紅翦頂前有黑
毛一小簇通身俱白帶微紅暈藕紅足白爪

毛脚鴿

毛脚鴿黑睛紅黃暈白臉頭頂項臆黑質綠
暈額下有白毛圓如彈丸外界以青黑至臆
前而止目下項上深青暈三四處白膊白翅
肩背及尾毛皆黑色帶白紋其脰上皆生粗
白毛離披蓋趾鮮紅趾白爪